



Broj: UP08-07-1-2127/13
Sarajevo, 24.06.2015. godine

Ministarstvo pravde Bosne i Hercegovine, rješavajući Zahtjev Udruženja projekt menadžera u Bosni i Hercegovini, sa sjedištem u Sarajevu, ulica Jukićeva broj 36, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

RJEŠENJE

1. U Registru udruženja Ministarstva pravde Bosne i Hercegovine, kod Udruženja projekt menadžera u Bosni i Hercegovini, sa sjedištem u Sarajevu, ulica Jukićeva broj 36, upisanog pod registarskim brojem: 1541, Knjiga I Registra, dana 06.02.2014. godine, upisuju se promjene, kako slijedi:

1.1. Izmjene i dopune Statuta Udruženja Broj: I-002-08/13 od 21.08.2013. godine.

1.2. Mijenja se puni naziv Udruženja projekt menadžera u Bosni i Hercegovini, pa se upisuje novi puni naziv koji glasi:

PMI Udruženje u Bosni i Hercegovini
PMI Udruga u Bosni i Hercegovini
ПМИ Удружење у Босни и Херцеговини

1.3. Mijenja se skraćeni naziv Udruženja, pa se umjesto skraćenog naziva UPMuBiH, UPMuBiH, УПМуБиХ, upisuje:

PMluBiH, PMluBiH, ПМИуБиХ

1.4. Upisuje se puni naziv Udruženja na engleskom jeziku, koji glasi:

PMI Association in Bosnia and Herzegovina

1.5. Upisuje se znak Udruženja. Znak je oblika plavog kvadrata sa tri dijagonalne linije, u donjoj lijevoj polovini kvadrata, oko kojeg se nalazi jednostruki kvadrat iste boje znaka i stilizovanih slova PMI, sa čije desne strane se nalazi stilizovani krug u čijem središtu je ispisano slovo R. Ispod znaka Udruženja je ispisano naziv Udruženja na latiničnom pismu: PMI Udruženje u Bosni i Hercegovini

2. Ostali upisi u Registru udruženja, izvršeni na osnovu Rješenja Broj: UP08-07-1-2127/13 od 06.02.2014. godine, ostaju neizmijenjeni.

3. Ovo Rješenje će se objaviti u „Službenom glasniku BiH“, o trošku podnosioca Zahtjeva.

O b r a z l o Ź e n j e

Udruženje projekt menadžera u Bosni i Hercegovini, sa sjedištem u Sarajevu, ulica Jukićeva broj 36, upisano je u Registar udruženja kod Ministarstva pravde Bosne i Hercegovine, pod registarskim brojem: 1541, Knjiga I Registra, dana 06.02.2014. godine.

Udruženje je dana 22.06.2015. godine podnijelo Zahtjev za upis promjena u Registru udruženja ovog Ministarstva.


Uz Zahtjev za upis promjena u Registru udruženja dostavljena je sljedeća dokumentacija: Zapisnik sa Skupštine Udruženja projekt menadžera u Bosni i Hercegovini od 09.05.2015. godine; Odluka o izmjenama i dopunama Statuta od 09.05.2015. godine u dva primjerka; Akt PMI Project Management Institute od 11.02.2015. godine sa ovjerenim prijevodom Broj: 2/15 od 17.02.2015. godine; primjerak znaka Udruženja; prijevod naziva Udruženja na engleski jezik ovjeren od strane stalnog sudskog tumača za engleski jezik Broj: 10/15 od 19.05.2015. godine i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod Udruženja projekt menadžera u Bosni i Hercegovini, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- PMI Udruženje u Bosni i Hercegovini;
Ulica Jukićeva broj 36, 71 000 Sarajevo,
i ovjeren primjerak Odluke o
izmjenama i dopunama Statuta od 09.05.2015. godine;
- Zbirka isprava;
- JP NIO "Službeni list BiH".